

Gvangjsih Minzcuz Bau

ganhhau: CN45-0036 B.2013 Nd.5 Ng.29 liggaeuq gveiqceih nienz ndwenseiq ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3075期

Ningzmingz Yen Banh Fwencuengh Beizyinbanh 宁明县举办山歌培训班

Vih swncienz vwnzva minzcuz maenhndei, hawj fwen miz vnz swncienz, coicaenh Ningzmingz vwnzva hoenghwd fazcanj, hawj vnzlai vwnzva swnghoz gvaq ndaej engq ndei, giethab gailcanj "vwnzva haeuj lajmbanj" hozdung, 5 nyied 21 hau, Ningzmingz Yen youq ndaw yienh vwnzdijvanj gawjbanh 2013 nienz Fwencuengh beizyinbanh. Yienh vwnzva' gvanj gvanj-cangj, minzcuzgiz fugizcangj, minz-

yijban ganbu, Fwencuengh hezvei veiyenz, Banhlungz gohvujdui caeuq gak yangh(cin) daibyaui gungh 40 lai vnz camgya le beizyin.

Baez beizyin neix cingj Fwencuengh Hezvei cujsiz Ganhsaugwngj daeuj hwnjdangz. Youq hwnjdangz seiz, goeng canghfwen neix giethab gingniemh swheij, gangj le Fwencuengh gij daegdiemj, gihcuj gainen, soucomz, faenloih, lijlan moq, baenzlawz

bienguh, fap ciengq nem byaujyenj gisuz daengj neiyungz, de gangj ndaej laegfeuh ngamq hab, faencek daengz ndaw.

Doenggvaq beizyin, gyoengq yozyenz souh'ik gig lai, bouboux cungj naeuz yaek hawj Fwencuengh mingz riuz engq gya, hawj daihlaeng swncienz roengzbae; aeu Vahcuengh eu, hawj vwnzva Byaraiz bauj daegsaek bonjfaenh.

(Vangz Danh)

SIUSIK DINJ

简讯

●5 nyied 15 daengz 20 hau, Liujgyangh Yen youq ndaw yienh diyzuz cungsim gawjhengz minzcuz conzdungj diyzuz hanghmoeg—ciengj bauqva doxdax. Baez doxdax neix gungh miz 13 aen dui, 156 bouboux yindungyenz camgya.

(Cauh Gveifung)

●5 nyied 17 daengz 19 hau, Gvangjsih Sinhvnz Sezyingj Hezvei nem Gvangjsih Minzsuz Sezyingj Hezvei doenghboux gyaec sezyingj haenx gungh 50 lai vnz daengz Nazboh Yen Bwzswngj Yangh Sangvaz Cunh Mbanjgveihlung(mbanj Yauzcuz), Cwngzsiengh Cin Lungzvaz Cunh Mbanjdunhliz (mbanj Boubxcuengh) ndaw funghcingzyenz, Mbanjdazlaz (mbanj Yizcuz) daengj dieg guh minzsuz caijfungh hozdung.

(Vangz Bizvaz)

●5 nyied 18 hau, Yangzsoz Yen minzcunghveij, vwnzlenz, gunghsanghlanz daengj mizgven lingjdauj caeuq gunghsanghlanz daibyaui daengj 60 lai vnz daengz Fuzli Cin Lungzveij Cunh guh vwnzva hawj vnzlai souh'ik hozdung. Ngoenzhaenx, gunghsanghlanz daibyaui soengq doenghgij vwnzgi, vanzgi nem doxgaiq yungh gungh dij 2 fanh lai maenz haenx hawj Fuzli Cin Lungzveij Siujyoz, minzcunghveij ciuq moix bouboux 3000 maenz haenx soengq gij cienzngeanz swncienz vwnzva ndangdaenj Yauzcuz hawj Lungzveij Cunh.

(Vangz Yimeij Liz Meijyungz)

●5 nyied 17 hau, Yungzsuij Myauzcuz Swciyen Luzswngj Hezvei daengz ndaw yienh Swyungz Yangh Denzdouz Mbanj Myauzcuz guh luzswngj caijdangz, foux-luzswngj, lanzgiuz doxdax, vwnzyi vanjvei daengj doxlienx hozdung, aeu neix daeuj lozsiz Dangj Cibbet Daih cingsaenz, hungzyangz vwnzva minzcuz, demhaeuj minzcuz doxgiet, cauxguh lajmbanj huzndei.

(Hoz Fuyungz)



Sanhgyangh: Eu Fwen Haenh Mbanj Seuq

三江: 山歌颂清洁

5 nyied 23 hau, Sanhgyangh Dungcuz Swciyen Luzgyaz Sanhgoh Hezvei laebbaenz nem "Sanhgyangh gyaec lajmbanj seuq" cingj vnz eu fwen doxdax youq ndaw yienh Gujyiz Cin Gujsau Cunh gawjbanh, gyawj 60 aen Luzgyaz gohdui mbouj lau ndit ndat, aeu fwen ndeidingq daeuj haenh mbanj Dungcuz miz rengz moq, hengzdoengh moq, yienghsiengq moq. Ndaw doz dwg doxdax yienhciegz.

(Gungh Bujganh)

Dwzbaui Yen Banh Boubxcanciz Saujsu Minzcuz Lajmbanj Dajndaem Dajciengx Gisuz Beizyinbanh

德保县举办农村少数民族残疾人种养殖技术培训班

Vih coengh boubxcanciz saujsu minzcuz lajmbanj engq ndei gaemaenh dajndaem dajciengx gisuz, hawj boubxcanciz ciuyez gihvei engq lai, coicaenh boubxcanciz demsou baenzfouq, 5 nyied 21 hau daengz 22 hau, Dwzbaui Yen Minzcuzgiz caeuq Yienh Canzlenz youq yienh cwngfuj lij dangz lienzhab gawjbanh boubxcanciz saujsu minzcuz laj-

mbanj dajndaem dajciengx gisuz beizyinbanh, cingj ndaw yienh nungzyezgiz nem cuzmuz souyihgiz doenghboux conhyez gisuz yinzyenz daeuj hwnjdangz, son daengx yienh 120 bouboux boubxcanciz nem vnzranz boubxcanciz baenzlawz dajndaem lwgmak, ganq gomak lwgmak nem dajciengx gisuz daengj cihsiz, caemhcaiq fat 100 lai faenh swlhliu

hawj gyoengqde.

Doenggvaq guh baez beizyin neix, sawj haujai boubxcanciz nem vnzranz boubxcanciz gaemdawz monz gisuz he, hawj gyoengqde ndaej gag baengh goengrengz cauxgwn, hawj gyoengqde engq miznaj, coicaenh ranz boubxcanciz demsou.

(Nungz Yungjfang)